



Inatsisartunut ilaasortat Siverth K. Heilmann aamma Knud Kristiansen
ATASSUT


§ 37 tunngavigalugu apeqqut, Maniitsup avataani aalisakkat aamma sajupillatsitseqattaarnek kiisalu sajupillatsitseqattaarluni misissuinerit

8. marts 2012
Sagsnr. SJ-STD-LOBW.
Dok. Nr. 842590

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Inatsisartut suleriaasianni § 37 malillugu Naalakkersuisunut arlalinnik apeqquteqarsimavusi. § 37 tunngavigalugu apeqqutissinni tunngavilersuutissinni innersuussutigaarsi, 1986 imaluunniit 1987-imi Maniitsup avataani sajupillatsitseqattaarluni misissuisimaneerit, taamaalillusilu kingorna maluginiarsimallugu qeeraqassusia appariangaatsiarsimasoq.

Naalakkersuisut oqaatigisinnaavaat 1980'ikkunni Maniitsup avataani sajupillatsitsilluni misissuisoqarsimanngivissoq (erseqqinnerusumik nassuiaateqarfigalugu Kalaallit Nunaata Kitaata imartaani 64°N aamma 66°N akornanni)



Aatsitassanut Pisorta qarfiup GEUS isumasiorsimavaa (Danmarkimi aamma Kalaallit Nunaanni nunap sannaanik misissuisarnernut naalagaaffeqatigiit isumaginnittuat), piffissami pineqartumit sajupillatsitseqattaarluni misissuinerit paasissutissanik tamanik pigisaqartoq. GEUS'ip Aatsitassanut Pisorta qarfiup uppersarpaa, 1979-imit 1990-imit Maniitsup avataata imartaani sajupillatsitsilluni paasissutissanik sunilluunniit katersisoqarsimanngitsoq.

Taamaalilluni 1986-imi imaluunniit 1987-imi sajupillatsitsilluni misissuineqarsimanngilaq, taamaammat piffissami pineqartumi sumiiffimmi qeeraqassusiata apparsimaneranik sajupillatsitsisarnernit kinguneqarsimanaviangilaq.

Tunngavilersuut

"Maniitsup imartaata eqqaani sinerissap avataani 1986-imi imaluunniit 1987-imi sajupillatsitseqattaarluni misissuisimaneerit kingorna aalisartut akornanni malugineqarsimavoq sineriak sinerlugu imartani aalisakkanik peqartuarsimagaluartoq, soorlu qeeqqanik, taassumali kingorna aalisakkat ulloq manna tikillugu tammavingajassimasut. Taamaal-

laat kangerluit eqqaanni ukiut arlallit ingerlanerini qeeqqat pisarineqartalersimapput, a-ningaasarsiutaallutillu tapertaasunik.

Sinerissap avataani Kalaallilu Nunaata sinnerani imartani aalisakkat uteriartulersimap-put, aalisartullu maluginiarsimavaat isumalluernerusoqalersimasoq, tusagassiutilli aq-qutigalugit eqqartorneqalersimasoq qangatut sajuppillatsitsilluni misissuinerit assingusut aallarteqqinneqalersut, aamma Maniitsup sineriaata avataani, taamaalillunilu aalisartu-nut isumakulunnarsisimalluni."

Naalackersuisunut apeqqut siulleq

"Tamanna tunngavigalugu ATASSUT-miit paaserusupparput, imartani sajuppillatsitse-qattaarluni misissuinerit aalisakkanut imaluunniit uumasunut miluumasunut imarmiunut allanut qanoq sunniuteqarsinnaanerit, periusertu ilisimatuussutsikkut misissorneqarsi-manersoq, immami avatangiisini uumassuseqartunut qanoq sunniuteqarsinnaanersoq."

Akissuteqaat

Sajuppillatsitseqattaarluni misissuinerit aalisarnermut qanoq sunniuteqartarneri pillugit Norge-mi arlalinnik misissuisoqarsimavoq. Inernerit imminnut assortuupput, aalisagaq sunaanersoq aalisariaaserlu apeqqutaasorujussuupput. Aalisakkani misissorneqartuni taamaallaat qalerallit saarullillu Kalaallit Nunaanni aalisarneqartarput. Aalisariaatsini misissuiffiqineqartuni qalerallit qassusersorluni ningittakkersorlunilu aammalu saarullit kilisaatersorluni aalisarneqartarput.

Qalerallinniarluni qassutinik aalisartarnerup paasinarsitippaa sajuppillatsitsilluni misissui-sarnermit qalerallit qimaasarsimangitsut, ningittakkersorlunilu aalisarnermi inernerit ta-kutippaat immap naqqanik sajuppillatsitseqattaarluni misissuinerit kingorna aalisakkat ikilisarsimangitsut.

Kilisalluni saarullinnik aalisarneq pillugu misissuinerit takutippaat sajuppillatsitseqattaar-luni misissuinerup nalaani aalisarneq annertuumik annikillisimasoq. Sajuppillatsitseqat-taarluni misissuieriaaseq 3D-mik taaneqartarpoq, sumiiffimmi killeqartumi ingerlanneqar-luni (3 x 10 sømil) ullullu sisamat ingerlanerini sakkortuumik ingerlanneqartarsimalluni. Aalisarnerup annikillinera misissuiffiqisamiit 18 sømilinik avasinnerusumi malunnarpoq. Sajuppillatsitseqattaareernerullu kingorna ullut tallimat qaangiunnerini nalinginnaasun-gorsimanani.

Inernerit tamakku isummernissamat pissutissaqartitsippat qalerallit taakkuninngalu aali-sarneq sajuppillatsitseqattaarluni misissuinerit pingaaruteqartumik sunnerneqartangit-sut. Qalerallinniarlunilu kilisaatersorneq misissuiffiqineqarsimangimmat, aalisakkanillu allanik kilisaatersorluni sajuppillatsitseqattaarnerup kingorna ikilisoqarsimammatt, DCE (qangaanerusoq Danmarks Miljøundersøgelse) aamma Pinngortitaleriffik (GN) naliliip-put, sajuppillatsitseqattaarluni misissuinerup nalaani kingornalu qalerallinniarfinni pingaa-riteqartuni pisat ikilinnissaannut aarlerinaateqarsinnaasoq (kilisalluni ningittakkersorluni-lu).

Misileraalluni saarullinniarnerup (kilisalluni) saarulleqatigiillu allat qanoq aalisarneqartar-nerinik misissuinerit takutippaat qanoq sajuppillatsitseqattaarnerit sunnerneqarsima-nersut, sumiiffinnilu aallussilluni sajuppillatsitseqattaarfiusuni saarullit pisarisartakkt ikiligallartarnissaat annertuumik aarlerinaateqartoq.

Aalisakkat 'inersimasunngoreersimasut' sajuppillatsitsilluni misissuinerit toqunneqartanngimmata, DCE aamma GN naliliippat aalisagaqassuseq imatorsuaq sunnerneqartassanngitsaq, taamaammallu naatsorsuutigineqarpoq, aalisakkat sumiiffinnut sunniiffineqarsimasunut uteqqittassasut, tamakkunanilu aalisagaqassutsip sapaatit akunnialuit ingerlanerini amerlassuserisartik angusassagaat. Ima paasineqassalluni, sajuppillatsitsilluni misissuinerit piffissamat sivirusumut sunniuteqartitsisannngitsut.

Ajornartorsiut DMU aamma AP-mit oqaaseqaammi 7. maj 2010-meersumi nassuiarneqarpoq, tamannalu Kalaallit Nunaata imartaani uuliamik ingerlatsinerit pillugit avatangii-sinilu nalilersuinerit assigiinngitsunit eqqartorneqartarluni.

Apeqquteqaammi tunngavilersuutitut qeerarniarluni aalisarneq immikkut eqqaaneqarpoq. Eqqaaneqarpoq 1986-imi imaluunniit 1987-imi sajuppillatsitsilluni misissuinerit kingorna aalisarneq appararsimasooq paasineqarsimasooq. Piffissami tassani Kalaallit Nunaata Kitaata avataani imartani uumassuseqarnikkut pissutsit annertuumik allannguuteqarput, aalisakkallu soorlu saarullit qeeqqallu, Maniitsup avataannaaniunngitsooq annertuumik ikilieriarsimapput. Taamaammatt sajuppillatsitsilluni misissuinerit taamani qeeqqat ikilinerannut peqquutaasinnaanaviannngilaq. Ullumikkut sinerissamat qanittumi qeerarniar-toqarnerusarpoq, sajuppillatsitsilluni misissuiffiunngitsuni, aalisarnerlu tamanna sunnerneqartarnani.

Eqqaaneqarsinnaavoq Maniitsup avataani aamma raajarniar-toqartarmat. Norskit misissuinerisa takutippaat raajat sajuppillatsitsisarnernut ima sunnerneqartanngitsigisut, allaat taakku aalisarneqartarneri Barentshavet-imi uuliamik ingerlatsinerit avatangii-sinik nalilersuinerit ilanngunneqartaratik. Taamattaaq Maniitsup sineriaata avataani saattuariar-toqartasimavoq. Canadamiut misissuinerisa takutippaat saattuariarneq sajuppillatsitsinerit sunnerneqartanngitsooq. Taamaammatt aalisakkat tamakku Kalaallit Nunaanni aalisarneqarneri sajuppillatsitsilluni misissuinerit sunnerneqarsinnaanerit ilimanaateqanngilaq.

Naalakkersuisunut apeqqutit aappaat

"Maniitsup sineriaata avataani imartani sajuppillatsitsilluni misissuinerit ingerlanneqassappata, Qeqqata Kommuniarut imaluunniit aalisartunut sooq tusarniaasoqassanngitsooq?"

Akissuteqaat

Suliffeqarfiit uuliamik misissuinerimik ingerlatsiniarlutik akuersissummik qinnuteqarusuttut (soorlu sajuppillatsitsilluni misissuinissanut) kingusinnerpaamik 15. marts 2012 tamanna qinnuteqaatigissavaat.

Qinnuteqaatit malittarisassanik eqquutsitsinissaat qulakkeerneqareerpat qinnuteqaatit nittartakkatigut tusarniaaffimmatt ikkunneqarumaarput, sapaatit akunnerini arfineq-pingasuni tamanut tusarniaanerup ingerlannerani, uunga: www.nanog.gl. Aatsitassanut Pisortaqarfik, DCE (siusinnerusukkat Danmarks Miljøundersøgelser) aamma Pinngortitaleriffik suleqatigalugit tusarniaanerimik akissutit takkuttut qinnuteqaatinik nalilersuinerit eqqarsaatigineqarlutik ilanngunneqassapput. Qinnuteqaatit ingerlaavartumik nalilersorneqartarput, naatsorsuutigineqarporlu tusarniaanerimik piffissaliussap naaneraniit sivikinnerpaamik sapaatit akunneri sisamat ator-neqassasut tusarniaanerimik akissuteqaatit nalilersornissaannut, taamaalluni sajuppillatsitsilluni misissuinissanut akuersissuteqarnis-

samut aalajangiinissaq siusinnerpaamik naatsorsuutigineqarsinnaalluni piffissap taasuma aatsaat qaangiutereernerani.

Tamakku saniatigut tusarniaanerup aallarereernerata kingorna makku isumasioqatigalugit ataatsimeeqatigineqassapput; aalisarnermi kattuffiit, DMU, Aalisarsinnaanermut Akuersissutinik Nakkutilliisoqarfik il.il.

Inussiarnersumik inuulluaqqusillunga
Med venlig hilsen



Ove Karl Berthelsen